

Fu posto, per sier Piero Mocenigo cassier di Collegio et proveditor sora i Danari, una parte di tuor ducati 6000 di danari di la tansa, et meterli a le presente ocorentie, atento il bisogno si ha del danaro, *ut in parte*. Et a l'incontro il Serenissimo, Consieri, Cai di XL e Savii messeno non tocar alcuna più summa di questi danari, ma tutti siano riservadi intacti per dar ducati 50 milia a la Cesarea Maestà, nè siano tochi sotto la pena di furanti, zoè scudi 50 milia.

Et sier Piero Mocenigo andò in renga, et parloe dicendo il bisogno è del danaro e di pagar galioti, e mandar ducati 2000 in Histria per dar a le dogalle Contarina et Trivixana, state a Costantinopoli, le qual, stando, vuol di spexa ducati 200 al zorno, et che non sa dove trovar danari; il Conseio non vol angarie, *ergo* tolemo di questi.

Et li rispose sier Zuan Contarini, savio a Terraferma, dicendo che questa tansa a la terraferma è stà messa per pagar la Cesarea Maestà, et zà ne è stà tolti ducati 32 milia 370 et non si potrà haver 50 milia, tolendo questi 6000 tanto manco si haverà. Et però è bon non li tuor, proveder per altra via etc.

Et volendo il Mocenigo meter la parte, li Consieri, visto la soa creation, terminorono a bosoli et balote, 4 et 2, che non la podesse meter. Andò solo la parte del Serenissimo e li altri. Ave: 128, 63 di no, 4 non sincere.

Fo leto il brieve dil papa, scritto a la Signoria, implorando aiuto contra i lutherani, et si dagi fede a quello dirà il suo Legato. *Item*, una lettera dil Sanga, che scrive al Legato voria la Signoria li desse aiuto di danari per 6 mexi, a ducati 10 milia al mexe, per andar contra lutherani, et dar avanti tratto di tre mexate etc.

Fu posto, per li Consieri, Cai di XL e Savii, tuor scudi 50 milia, 20 milia per biave comprar, 6000 per lo armar, 5000 per spexe dil duca de Milan, ducati 1370 a sier Ferigo Morexini qu. sier Ziprian, e dil resto non si possi tocar, se prima non seranno posti insieme scudi 50 milia da dar a l'imperador, sotto pena di furanti. Et sier Piero Mozenigo cassier messo a l'incontro, ducati 6000 siano applicati a la cassa di le presente ocorentie. Andò prima tra i Consieri s'il pol meter scontro o no. Fu preso di no: 4, 2. Andò la parte: 128, 63, 4.

Copia di la lettera dil Signor turco scritta a la Signoria per il ritorno di ambascadori nostri, 1530.

*Laude a Dio
expresso quale è iusto dominatore.*

Per lo adiuto di quella excelsa et potente Maestà et per la efficatia de la sua parola et per gratia di molti miracoli di Mahamet mustaphà, che la benediction e salute de Dio sia sopra de lui, qual è splendor solar de prophetia et segno stellare de gagliardia, duce di la schiera di propheti et guida de la squadra di santi, et per favor di soi quattro amiei che sono Abubechir, Homar, Hotmam et Hali, che Idio sia de tutti loro contento et de le sante anime de tutti li beati de Dio.

*Suleyman Sach fiol de Selym Sach
Imperador sempre vittorioso.*

Io che son potente di potenti et miracolo tra li homini et corona legittima di le Signorie che son sopra la faza de la terra, ombra de Dio sopra le ditte terre fermè del mar Bianco et mar Negro, et de la Romania, et de la Natolia, del Caraman, et de la Grecia, et del paese del Ducaldria, et de Diarbechir, et del paese di Curdi, et de Hedirbayzan, et de Gazera, et de Damaseo, et de Aleppo, del Cayro, et de la Mecha, et de Medina, et de Hierusalem, et de tutto il paese di Arabi, et de Gemen, et dil paese de li Tartari, et *etiam* de molti altri paesi de li illustri et excelsi Signori mei maggiori hanno *cum* le loro violente forze subiugato, et *etiam* de molti altri paesi de la presentia de la excellentia Mia Maestà ho *cum* la ignea et vitoriosa mia spada subiugato, dominador et imperador sultan Suleyman Sach imperator, fiol de Selim Sach imperador, che fu fiol de sultan Baiasith Sach imperator. Tu Andrea Gritti che sei honoratissimo tra li signori de li christiani et excellentissimo tra li potenti sopra li seguazi de Jesu, te sia noto come

In questo zorno fu nova per la nave, vien di 49¹⁾ Soria, patron sier Pandolfo Contarini, carga di cenere e altro, parte a di 22 septembrio di l'isola Cipri et a di 6 di Soria, riporta la morte di sier

(1) La carta 48^a è bianca.